

ՀՀ Վայոց ձորի մարզպետի աշխատակազմի զորահավաքային նախապատրաստության բաժնի կողմից 2026 թվականի 1-ին կիսամյակում կատարված աշխատանքների վերաբերյալ

2026 թվականի 1-ին կիսամյակում ՀՀ Վայոց ձորի մարզպետի աշխատակազմի զորահավաքային նախապատրաստության բաժնի գործունեությունն իրականացվել է ոլորտը կանոնակարգող ՀՀ օրենքների, ՀՀ կառավարության որոշումների, լիազոր պետական մարմինների հանձնարարականների և մարզպետի աշխատակազմի կանոնադրության համաձայն:

Բաժնի աշխատանքները նպատակաուղղված են եղել մարզի տարածքում զորահավաքային նախապատրաստության միջոցառումների համակարգմանը, համայնքների և պետական կառավարման տարածքային ստորաբաժանումների կողմից զորահավաքային պատրաստության ապահովմանը, համապատասխան փաստաթղթերի վարման, մշակման, արդիականացման, վերահսկողության, մեթոդական աջակցության իրականացմանը և գաղտնության ռեժիմի պահանջների ապահովմանը:

Հաշվետու ժամանակահատվածում բաժնի կողմից իրականացվել են հետևյալ հիմնական աշխատանքները:

Հիմնովին վերամշակվել, հաստատվել և գործողության մեջ են դրվել ՀՀ Վայոց ձորի մարզի քաղաքացիական պաշտպանության «Կապի», «Ինժեներական և կոմունալ-տեխնիկական», «Բույսերի և կենդանիների պաշտպանության», «Առևտրի և սննդի», «Նյութատեխնիկական մատակարարման», «Բժշկական», «Էներգետիկայի» և «Տրանսպորտի» ծառայությունների պլանները:

Միաժամանակ համայնքապետարանների պատասխանատու աշխատակիցներին ցուցաբերվել է մեթոդական աջակցություն համայնքային պլանների լրամշակման, հաշվառման, պահպանման և պարբերական թարմացման հարցերում:

Լրամշակվել և ճշգրտվել են հատուկ ժամանակաշրջանում մարզպետի աշխատակազմի գործունեությունը կանոնակարգող իրավական ակտերը և համապատասխան փաստաթղթերը:

Թարմացվել են պատասխանատու անձանց վերաբերյալ տվյալները:

Դեռևս մշակման փուլում է գտնվում ՀՀ Վայոց ձորի մարզպետի աշխատակազմի գաղտնիության ռեժիմի ապահովման ստորաբաժանման (ԳՌԱՍ) գաղտնի տեղեկակիրների տարահանման պլանը:

Վերանայվել և թարմացվել են ՀՀ Վայոց ձորի մարզպետի աշխատակազմում աշխատող զինապարտների գրանցամատյանը և պահեստազորայիների ցուցակները, որոնց օրինակները սահմանված կարգով և ժամկետներում ներկայացվել են ՀՀ ՊՆ ՀՀԿ Վայոց ձորի մարզի զինվորական կոմիսարիատ:

Ապահովվել է աշխատակազմի զինապարտ աշխատողների մասնակցությունը պահեստազորային պատրաստության շրջանակներում իրականացված վարժական հավաքներին:

Աշխատանքներ են իրականացվել մարզպետի աշխատակազմում աշխատող զինապարտ պաշտոնատար անձանց ամրագրման ուղղությամբ:

Ուշադրության կենտրոնում են եղել նաև համայնքապետարաններում ամրագրման ուղղությամբ իրականացվող աշխատանքները: Նշված գործընթացում առկա խնդիրների և մտահոգությունների հետ կապված տեղի են ունեցել հանդիպում-քննարկումներ: Մարզային ղեկավարությունը հանդես է եկել պետական և տեղական իրքնակառավարման մարմիններում պաշտոնատար անձանց ամրագրման գործընթացը կանոնակարգող ՀՀ կառավարության 05.10.2020թ թիվ 1637-ՆԳ որոշման մեջ լրացում կատարելու նախաձեռնությամբ: Առաջարկվել է լիազոր մարմինն բնակավայրի վարչական ղեկավարի պաշտոնը ներառել ամրագրման ենթակա պաշտոնների ցանկում՝ հաշվի առնելով նշված պաշտոնի համար սահմանված գործառույթների բնույթն ու կարևորությունը՝ հատկապես զորահավաքային նախապատրաստության բնագավառում:

Հաշվետու ժամանակաշրջանում իրավական և մասնագիտական հսկողության շրջանակներում ուսումնասիրվել է Եղեգնաձորի համայնքապետարանի գործունեությունը՝ պաշտպանության, արտակարգ իրավիճակներում բնակչության պաշտպանության և քաղաքացիական պաշտպանության բնագավառներում:

Մասնավորապես ստուգվել են՝

1. Համայնքի զորահավաքային, քաղաքացիական պաշտպանության և ՔՊ ծառայությունների պլանների առկայությունը և դրանց համապատասխանությունը գործող իրավական ակտերին:
2. Զինապարտ քաղաքացիների հաշվառման գրանցամատյանի և աշխատող պահեստազորայինների ցուցակների առկայությունն ու վարման վիճակը:
3. Համայնքապետարանի ղեկավար կազմի աշխատակիցների ամրագրման ուղղությամբ տարվող աշխատանքները:
4. Պահեստազորային պատրաստականության շրջանակներում վարժական հավաքներին ներգրավված անձանց ծանուցման ուղղությամբ իրականացվող աշխատանքների վիճակը:
5. Արտակարգ իրավիճակներում և քաղաքացիական պաշտպանության ժամանակ համայնքապետարանի գործունեության շարունակականությունն ապահովելու անհրաժեշտությամբ պայմանավորված աշխատողների ուսուցման՝ մասնավորապես պարապմունքների, շտաբային և հրամանատարաշտաբային ուսումնավարժանքների պլանավորման ու անցկացման պրակտիկան:
6. Աշխատակազմի ազդարարման և հավաքի կազմակերպման պատրաստվածությունը:
7. Համայնքի ղեկավարի կառավարման պահեստային կետի, համայնքի տարածքում տեղակայված պաշտպանական կառույցների ընդհանուր պայմանները, սանիտարահիգիենիկ վիճակը և համալրվածությունն անհրաժեշտ գույքով ու պարագաներով:

Ուսումնասիրությունների արդյունքներով համայնքապետարանի կողմից իրականացված աշխատանքները ընդհանուր առմամբ գնահատվել են բավարար:

Համայնքապետարանի զորահավաքային նախապատրաստության բնագավառում գործառույթներ իրականացնող պատասխանատու աշխատողներին ցույց է տրվել անհրաժեշտ մեթոդական աջակցություն, ինչպես նաև ներկայացվել են առաջարկություններ նշված ոլորտում հետագա աշխատանքները բարելավելու և առավել արդյունավետ կազմակերպելու համար:

Կիսամյակի ընթացքում ղեկավարվելով ՀՀ պաշտպանության մասին օրենքի և Հայաստանի Հանրապետության վարչապետի 2019 թվականի հոկտեմբերի 10-ի № 1444-ՆՀԳ որոշման պահանջներով ՀՀ Վայոց ձորի մարզպետի աշխատակազմի կառուցվածքային ստորաբաժանումների հետ անց է կացվել առանձնացված շտաբային ուսումնավարժանք՝ «ՀՀ Վայոց ձորի մարզպետի աշխատակազմի փոխադրումը ուժեղացված աշխատանքային ռեժիմի, կառուցվածքային ստորաբաժանումների գործողությունները հանկարծակի ծագած խնդիրների լուծման ընթացքում» թեմայով:

Ուսումնավարժանքի ընթացքում կիրառության մեջ են դրվել մարզպետի աշխատակազմի աշխատանքային ռեժիմների փոխադրման ներքին և մարզի ՔՊ ծառայությունների պլանները:

ՀՀ Վայոց ձորի մարզպետի աշխատակազմի կառուցվածքային ստորաբաժանումները մասնակցություն են ունեցել նաև ՀՀ ՆԳՆ ՓԾ Վայոց ձորի մարզային փրկարարական վարչության կողմից 2026թ մայիսի 14-ին «Հրդեհաշիջման աշխատանքների կազմակերպումը և իրականացումը անտառային հրդեհների առաջացման ժամանակ» թեմայով անցկացված ուսումնավարժանքին:

Ուսումնավարժանքի նախապատրաստական և անցկացման փուլերում ՀՀ Վայոց ձորի մարզի ՔՊ ծառայություններին ցույց է տրվել համակողմանի մեթոդական աջակցություն, մշակվել և ուսումնավարժանքի ընթացքում գործածության մեջ են դրվել անհրաժեշտ փաստաթղթերը:

Քննարկվող ժամանակահատվածում ՀՀ ՊՆ, Վայքի համայնքապետարանի և մարզային շահագրգիռ մարմինների հետ համատեղ, զորահավաքային նախապատրաստության շրջանակներում ուսումնասիրվել են Վայք համայնքի Զառիթափ, Գոմք, Խնձորուտ, Սերս և Բարձրունի բնակավայրերի տարածքներում գտնվող օպերատիվ սարքավորումները:

Պարտադիր զինվորական ծառայության 2025թ. ծմեռային զորակոչի, ինչպես նաև պահեստազորային պատրաստության շրջանակներում համագործակցված աշխատանքներ են իրականացվել ինչպես ՀՀ ՊՆ ՀԶԿ Վայոց ձորի մարզի զինկոմիսարիատի, այնպես էլ համայնքապետարանների հետ: Տեղի են ունեցել քննարկումներ, գործնական հանդիպումներ և ձեռնարկվել են համապատասխան

միջոցառումներ նշված բնագավառում աշխատանքները արդյունավետ կազմակերպելու ուղղությամբ:

Ուսումնասիրվել են ՀՀ Վայոց ձորի մարզի այլընտրանքային աշխատանքային ծառայություն անցնելու վայրերը և հավաքագրված տեղեկությունները տրամադրվել են լիազոր մարմնին:

Ձմեռային զորակոչի ընթացքում ՀՀ ՊՆ ՀՁԿ Վայոց ձորի մարզի զինկոմիսարիատից ստացվել են պարտադիր զինվորական ծառայության զորակոչից տարկետման և ազատման իրավունքից օգտվող քաղաքացիների վերաբերյալ 33 գործեր, որոնք ուսումնասիրվել են ՀՀ Վայոց ձորի մարզի զորակոչային հանձնաժողովի կողմից և ընդունվել են համապատասխան եզրակացություններ: Համաձայն որոնց 2025թ ձմեռային զորակոչից տարկետման իրավունքից օգտվել է 32 քաղաքացի, իսկ ազատման իրավունքից 1 քաղաքացի:

Գաղտնիության ռեժիմի ապահովման ուղղությամբ իրականացված աշխատանքների վերաբերյալ.

2026 թվականի 1-ին կիսամյակում զորահավաքային նախապատրաստության բաժնի կողմից որոշակի աշխատանքներ են իրականացվել գաղտնիության ռեժիմի ապահովման ուղղությամբ:

Նշված ժամանակահատվածում գաղտնիության ռեժիմի ապահովման ստորաբաժանումը իր գործունեությունը իրականացրել է ՀՀ օրենսդրության, պետական գաղտնիքի պաշտպանությանն ուղղված իրավական ակտերի պահանջներին համապատասխան՝ ապահովելով պետական գաղտնիքի պահպանման, գաղտնիության ռեժիմի կիրառման և վերահսկման անհրաժեշտ մակարդակ՝ մասնավորապես.

Ապահովվել է գաղտնի տեղեկություններ պարունակող փաստաթղթերի հաշվառման, պահպանման, օգտագործման, փոխանցման, ոչնչացման և արխիվացման աշխատանքները:

Մարզպետի աշխատակազմում, համայնքապետարաններում, նոր ընդունված աշխատողների հետ տարվել են անհրաժեշտ տեղեկատվական և բացատրական աշխատանքներ պաշտոնեական պարտականությունների կատարմամբ պայմանավորված գաղտնի տեղեկությունների հետ առնչվելու կարգի, ինչպես նաև

գաղտնիության ռեժիմի խախտումների համար օրենքով նախատեսված պատասխանատվության վերաբերյալ:

Սահմանված կարգով և ժամկետներում նախապատրաստվել ու լիազոր մարմնին են տրամադրվել գաղտնիության աստիճանի թույլտվության ձևակերպման համար պահանջվող փաստաթղթերը:

Իրականացվել են գաղտնիության ռեժիմի պահպանմանն ուղղված մշտադիտարկումներ՝ մարզպետի աշխատակազմի կառուցվածքային ստորաբաժանումների և համայնքապետարանների նկատմամբ՝ հնարավոր խախտումների կանխարգելման և ժամանակին արձագանքման նպատակով:

Հաշվետու ժամանակաշրջանում մարզպետի աշխատակազմի զորահավաքային նախապատրաստության բաժինը գաղտնիության ռեժիմի ապահովման բնագավառում սերտորեն համագործակցել է համայնքապետարանների գաղտնիության ռեժիմի ապահովման աշխատանքները համակարգող պատասխանատու պաշտոնատար անձանց հետ:

Կազմակերպվել են աշխատանքային հանդիպումներ: Գաղտնիության ռեժիմի ապահովման, ծառայողական տեղեկատվության դասակարգման, փաստաթղթաշրջանառության ճիշտ կազմակերպման հարցերով ցույց է տրվել մեթոդական աջակցություն:

Սահմանված կարգով բազմացվել և տրամադրվել են գաղտնիության ռեժիմի ապահովման աշխատանքները կանոնակարգող իրավական ակտերի օրինակներ:

Ներկայացվել են պարզաբանումներ, ինչպես նաև տրվել են բանավոր խորհրդատվություններ՝ կոնկրետ իրավիճակներից բխող խնդիրների լուծման նպատակով:

Ուսումնասիրվել են գաղտնիության ռեժիմի ապահովման ոլորտում կատարված օրենսդրական փոփոխությունները, որոնց վերաբերյալ համապատասխան տեղեկություններ են տրամադրվել համայնքապետարանի պատասխանատու աշխատողներին:

Համագործակցությունը ՏԻՄ-երի հետ նպաստել է գաղտնիության ռեժիմի ապահովման ուղղությամբ իրականացվող աշխատանքների բարելավմանը և իրավական ակտերի պահանջների միատեսակ կիրառմանը:

2026 թվականի 1-ին կիսամյակում բաժնի կողմից նախատեսված կազմակերպչական, վերահսկողական և մեթոդական աշխատանքների գերակշիռ մասը կատարվել են, որոնց շնորհիվ ապահովվել է զորահավաքային նախապատրաստության գործընթացների շարունակական իրականացումը:

Իրականացված միջոցառումները մասնավորապես նպաստել են ինչպես մարզպետի աշխատակազմի, այնպես էլ համայնքապետարանների զորահավաքային պատրաստության մակարդակի պահպանմանը, համապատասխան փաստաթղթերի մշակմանը, արդիականացմանը, ոլորտային համագործակցության ակտիվացմանը և գործող օրենսդրության պահանջների կատարմանը:

2026 թվականի 2-րդ կիսամյակում բաժնի առաջնահերթ խնդիրներն են լինելու զորահավաքային նախապատրաստության միջոցառումների արդյունավետության բարձրացումը, համայնքապետարանների հետ մեթոդական աշխատանքների շարունակականությունը, նախատեսված ժամկետներում պլանների և զորահավաքային փաստաթղթերի արդիականացումը, վերահսկողական միջոցառումների ընդլայնումը, գաղտնիության ռեժիմի պատշաճ ապահովումը և շահագրգիռ մարմինների հետ համագործակցության ամրապնդումը:

**ՀՀ Վայոց ձորի մարզպետի աշխատակազմի
զորահավաքային նախապատրաստության
բաժնի պետ՝ Ս. Միրզոյան**